

弔  
譜  
集  
成

原序

小隱山叟客秦之四年歲在壬子黃酒旣闌清談  
集客有白門樵隱花居士偶及弔義不禁鼓掌而言  
曰客亦知弔乎客知弔之妙而不知弔之奧也請試  
通諸易夫全牌之初涉太極混也次家之對剖兩儀  
判也分授四家四象生也人得八頁八卦定也乃其  
盈虛消長之機捷如影響則復剝復否泰之大運也  
抑有進焉闢之爲道捉滅有序慶罰有秩者禮也分  
幟立壇同心共擊者義也罰不重科窘則聽散仁也

制勝取巧妙慮入微畔正悖倫誅無旁假智且信也  
具此邃妙則固賢於博奕雅於呼盧爲韻士逸人選  
勝合歡之一助誰曰不然乃若僭父博財射利致同  
惡賭以是上干

國禁下流敗品冤乎冤乎馬氏有知能勿攘臂客於  
是攝衣起蹶然哭曰弔之與亦旣聞命矣叟不見一  
脾嘗局譁然滿座者乎强者使氣以奪席黠者仗舌  
以制人選勝之場竟成魔障合歡之具頓起干戈雅  
道陵替已甚非無舊本然言不由衷直覆醅物耳曷

謀所以齊其軌者與叟曰唯唯爰檢各家本細繹校  
訂不辭淺謬附斷叅評僞者正之岐者一之掛漏者  
增之非余言卽爲匠宗庶幾正鵠一懸羣事可息集  
名流之美腋續馬子之辦香於雅局不無補焉帙成  
示客客曰可遂以証諸世

雍正十年歲次壬子菊月旣望小隱山叟笠亭氏識



弁言

中郎瀟灑曾選勝於手談太史才華每寄情於齒  
數自來小道亦足觀摩何事適情始稱游藝葉子  
戲者其格昉於唐初厥後易名馬弔襲陳編而摘  
取垂大名者四十人通易象之神奇衍成數者六  
十卦偶繙稗史製自名姬藉繡闥之錦心剪紅割  
翠助蕭齋之逸興角智爭新羅列英雄玩諸指掌  
裁成花樣錫予嘉名方其肆筵旣設知立品之必  
嚴迨夫三耦旣同自有條之莫紊秋山紅樹聽落

葉以舞聲春雨裨燈散空花以安在暑牕簾捲羽  
扇忘揮暖閣鈎藏圍爐罷設是真韻士之良緣歡  
場之一助也顧小懲大勸立法者具有憂畫而擇  
精語詳折衷者要歸至當庶懸正鵠弗類也竊退  
菴主人網羅舊譜採輯諸家商及同心都爲一集  
義蘊畢周而無憾條理實備其大成手示一編幸  
解人之可索先分四座欲言辨而幾忘僕本情多  
自慙智短類臨淵之獨羨竊見獵而自怡日登大  
雅之壇奪標未得喜附羣公之後珥筆尚辭試看

通變無方知遊戲亦歸三昧但令鞭心入芥使薄  
技儘可旁通爰列駢詞登之簡首

乾隆癸丑中秋日斗橋學人書於長水署齋





採取各譜名目

笠亭譜

正誤舊譜

梅花杜譜

介亭譜

馬氏譜

浮綠軒譜

如如譜

京譜

越譜

且漁軒譜

雙峯譜

王譜

**FILE**

—

## 凡例

一龍子猶十三則深得弔中神髓諸譜皆首列之今仍其舊非有意從同也

一是譜舊名正鵠乃小隱山叟叅核諸譜而集成者也吾友香地居士又爲增補其未備以協於至公故標其名曰集成

一各譜例內小隱論註仍照原譜附於正文之後香地增補者雙行夾寫以示區別

一原譜各譜例以萬千百十等分門臨時查考終覺

未便今依顧文甫譜例分爲發捉縱滅留五門而各存一卷檢查較爲便捷

一王譜印花一色冲萬作萬冲千作千頗爲有致卽公領團圓恭禪各名目亦佳惜乎時尙不遵久矣今特附於諸色之後如有同心何妨共舉

一是譜叅互考訂旣歸平兌凡舊譜之紕繆者本可節刪而不節蓋防黷辯之人借有某譜爲口實故也

一是集始於辛亥成於癸丑分編校錄斗橋之力居

多茲承同志之囑請因付諸梓

癸丑中秋日退菴居士識

張



弔譜集成總目

卷首

龍子猶十三篇

論弔五要

卷一

賀例

冲例

罰例

散例



賀例王譜

卷二

賠例

卷三

賠例

卷四

賠例

卷五

賠例

卷六

賠例

附

緒餘



弔譜集成卷首

退菴居士輯

龍子猶十三篇

論品

未角智先鍊品母多言母舞機母墮志母僥倖母陰  
嫉得勿驕失勿吝大敗勿戀大勝勿劫

論弔

牌無大小止要湊巧不湊巧不成弔一牌死二牌生  
三牌則死一四可以死二五可以死三矣將欲取之

必姑予之將兼取之必各予之假張先出重張先得  
利則速往敗則改圖美不欲盡擒不欲早與其起樁  
母寧縱散與其苟活無寧徇敵故單或呈巧互或見  
拙先後人已之間可不審歟

### 論發

牌之生死弔之多寡全在發張我往則彼來故小者  
先而大者後小可衆戰大莫孤行無張而發非窮則  
點低牌照底計出無聊散勿輕忘椿勿過信單路者  
險雙路者穩三路盛四路者全

## 論捉

馬弔之法三人同心共擊一樁凡決取舍須權上下樁在上宜縱樁在下宜絕頂張不宜輕放同張不必累捉正本之後切勿多求有賞之家何妨過縱

## 論開門

一門爲正二門爲佐三門爲生四門不成牌矣門之生熟視賞所標去莫若生存莫若熟真生但喜重頭假熟須防縮腳勢必惹生寧爲先發維能料敵方可翻生

論滅

擒貴及時滅亦有序早曰催張遲曰戀張催則利人戀則飮人賞無先後不妨速滅次與頂張終非其例至於聽張恥同降敵

論留

正本之艱留張最重生路無大熟路無小真極勝於假肩存兩不若守一受制尙多熟或取敗出其不意生或見功是在一時權巧

論隱

牌分到手喜愠勿形譎者倒用終亦易測夫未及七牌不可棄美雖盡出銳若方始挫而勿衰久而彌整卽算人不足於以禦人算有餘矣

### 論忍

忍之爲道利可割而堅可貞無賞之家勿忙正本熟戰之路勿急上桌寧輸一牌勿容椿起寧少一弔勿使椿比

### 論還

末家牌落得來此言底之有權也善算者務以底制



椿而不使椿作底待可共攻何妨過縱縱大者小必  
報縱小者大亦償張可還而亦可抽雙張有尾兩路  
無頭萬一失信靜以待之苟見於色是爲自窘之道

### 論意

牌在人手可以意測之示小者流多長用大者道每  
短減速者牌必醜急促者門必狹可擒而故縱者餌  
也可縱而故擒者狠也餌則速圖狠則徐守藏盈而  
出虛者椿家之巧也棄少而用多者散家之常也先  
大後小者求也先小後大者探也得本惹生多因通

路獨行無繼須識開門大牌顯滅決有副張熟路忍  
割定皆正賞散則迎之樁則避之

論損益

同智相角奇趣乃呈擇大者愚備多者拙戀賞者必  
速亡貪弔者必起樁一人用智庇及兩家如或冥謀  
累亦非小

論勝負

勝負雖微機則先見醜牌得利必有奇祥三賞不開  
終非吉兆樁前色樣半是凶徵過後牌來足占福薄

頭羸難保終羸晚勝方爲全勝否極而泰切勿矜持  
盛後忽衰急須謹守至於洗有繁簡拍有厚薄智巧  
之士亦多變通然一飲一啄有數存焉落椿未必美  
居三未必凶當其運隆遇蹇亦濟及其氣盡逢吉化  
凶困亨之道斷乎不爽時至而勿乘與非時而强索  
皆敗道也

論弔五要

審意旨

虛者實之實者虛之盈縮消長之道存常變死生之

機伏繩以規矩定以賞罰而知賀賠兩例不可不明  
且悉也虛八爲椿循環主之椿得彩散則賀之此同  
心共擊所由昉也一路孤二路正三路盛又爲生四  
路爲全路之最尊曰賞次日肩微者曰極四路俱備  
其名曰色一人得色三人共賀傍多一百捉滅有制  
擒縱有則更立法以繩之於是審其意旨而知椿不  
可玩閑不可畔反是者皆謂之急急捉者急於得桌  
也應捉不捉其失則懦不應捉而捉其失則躁一舉  
一動意旨存焉不審乎此皆逆道也中規中矩庶幾

神乎其技

衡輕重

輕重者何椿色百弔也椿爲首重四門之色次之二門之色又次之惟百及弔事之最輕者也而或者弔於四門舉世重之今乃反是其說安在曰開得色而方賀椿得冲而卽賀是椿之冲冲卽色也故遍椿用賞因以知四門之輕愈以知椿之重也輕重之際難爽錙銖惟椿無可防然後及色若打肩急掛乃所以防四門也層次井然豈容倒置

## 權先後

事同而時異時同而地異者則先後有分漏榛責近縱榛責遠此地異之先後也急縱責後落骨責前此時異之先後也世乃欲以賠必從重一語舉譜之例而概之豈不大謬庸詎知從重與從後有別也兩門滅三三門滅四則滅四者賠若是者從重之說也此萬彼千先立議後若是者從後之說也提賞在前落青居後則責在先提若是者從先之說也輕重有別後先有序知此先後則近道矣

度緩急

緩急之說其說甚微是在學者之研求而融會焉大  
立急掛標賞急也不打頭肩守千守萬緩也知緩急  
之義而後輕重之分始定而後先後之理愈明矣

量寬嚴

世之守株膠柱往往執此爭彼皆不知寬嚴之道也  
先犯讓後犯嚴其後寬其先也罰必從重嚴其重寬  
其輕也罰不重科嚴於此寬於彼也皆寬之道十作  
禁門三爲椿發急提滿場賠提萬騎馬賠皆嚴之道

也嚴不苛刻寬不姑容明乎緩急寬嚴之旨尙於賠  
例不得其當者未之有也雖然運用無常變化莫測  
舉一反三是在會心者融貫也





弔譜集成卷一目次

賀詞

不鬪色樣

鬪上色樣

鬪上雜色樣

冲成奇色

冲例

散冲

兄弟冲

捲簾冲

罰例

散例

王譜雜色

弔譜集成卷一

退菴居士輯

賀例

不闕色樣

天地交泰

四賞四極

六十副

人傑地靈

四賞四極

六十副

錦鴛鴦

四賞四肩

六十副

拘鴛鴦

八紅上四門

四十副

七紅醉楊妃

七紅二十子

五十副

俱不重算片片錦

斤斤錦八張皆紅翅

三十副

麒麟種四賞一百帶肩止算三紅

十六副

鳳皇雛四肩一百帶賞止算六紅

十三副

草裏金一百四極又名雪中炭有賞不算

五副

大紅

六副

七紅另算六紅

七副

八紅另算六紅七紅

八副

以上四門色樣推班算盡惟極不推班不開

冲兩家同放彼此俱算散牌照常出注

六紅順風旗

另算六紅

六副

七紅順風旗

另算六紅七紅并六紅順風旗

七副

八紅順風旗

另算六紅七紅八紅并六紅七紅順風旗

八副

七同

連七加三拘起加一拘肩加二拘賞加三拘百加四

七副

八同

另算七同連八加五仍算連七

八副

八大

無受制張

八副

八小

無制人張

八副

八么

萬千百空文牛枝一文一貫一索仍算順風

八副

闢上色樣

皇會圖四賞

八副

千鈞柱四肩在手賀一上一賀二以次遞加全上雙冲凡無頭色樣皆准此

十六副

花肚兜三賞一百

十二副

花比肩三肩一百

二十副

巧四賞三賞一極

十二副

巧四肩三肩一極

二十副

天地分二賞二極仍算雙飛間青不算

十四副

肩天地分二肩二極仍算雙飛間青不算

十二副

賞鯽魚背

一賞  
三極

六十副

肩鯽魚背

一肩  
三極

八十副

百鯽魚背

一百三極上三項俱  
仍算三疊間青亦算

一百副

節節高

賞肩  
百趣

十六副

百賞百極

一百一賞二極仍算趣  
後百後雙飛間青不算

十二副

百肩四極

一百一肩二  
極餘同上

十四副

百極四賞

一百一  
極二賞

十六副

百極四肩

一百一  
極二肩

十四副

百長肩

賞一百一  
二肩

十六副



百短肩

一百一  
肩二賞

十四副

極長肩

一極一  
賞二肩

十六副

極短肩

一極一  
肩二賞

十四副

對肩

二賞  
一肩

十副

長肩

一賞  
三肩

十二副

短肩

二賞  
一肩

十副

以上色樣恰好四張方按副出注如有餘張

卽照賞一肩二趂三百四或賞二肩三趂四

百五推班算盡無頭者雙冲有賞就空去不算

無頭肩非遇賞亦不開冲

冲出紅趺俱准推班每張各減一副隔青不算九十子亦不作紅張

闕上雜色樣

天然趺

正本方算

長門一百副短門六十副

飛來趺

即誤天然

三十副

三疊趺

間青亦算仍算雙飛

三十副

龍門趺

百子二十先上後有餘張亦算仍算散花百後

六十副

佛頂珠

百趺先上後有餘張亦算仍算百後

二十副

雙飛趲

隔紅亦算

四副

過橋龍

一趲一百又一趲不另算  
趲後百後仍算雙飛

二十副

趲後百

五副

百後趲

三副

雙趲後

仍算雙飛

二副

雙百後

仍算雙飛

十二副

倒捲簾

一門上賞同上

五副

捲簾飛

倒捲後又拖一  
趲另算雙飛

十副

皇倒捲

二十紅萬同上

十副

散花天女

後百子二十同  
上仍算百  
後趣隔紅不算散花

五副

天女散花

二十百子同  
上仍算趣後

十副

捉極獻百

二桌後得  
桌仍算

五副

捉極獻極

上全

三副

公孫對坐

兩賞兩極  
只此四桌

十六副

父子同登

兩肩兩極  
止此四桌

二十四副

三代榮封

二賞二肩二極  
上三項俱係同門  
雙飛另算  
止此六桌以

三十二副

順風旗

在手賀一上  
賀二帶柄遮加

香爐脚

五素帛三紅加  
素加五八紅八素  
各加八  
十五紅帛三

五副

八全

四副

六桌吊

三副

七桌吊

二副

以上三疊雙飛散花倒捲起後百後等項惟

三疊間青亦算其餘必須連紅方算若散花

雖連紅亦不准算止算起後百後

四起

上一賀二以次  
遞加不准散

一副

龍門躍一色有謂止許三桌者有謂成色之  
後得桌亦算者兩說俱不能無弊今定以百  
子二十子已經闢起此後發牌如係真張或  
雖非真張而三家手內本無可提台應不算

龍門只算散花百後若三家原有可斷之牌  
又非賞張及有賞張而桌上已無四門色樣  
則百家例應捉斷因思避重就輕意縱放  
者不在此例並從所縱張起賠以後色冲起

庶為  
允當

佛頂  
准此

總以應捉不應捉為斷非但  
龍門佛頂即公孫坐亦然

### 冲成奇色

十紅聚會

九十子  
在內

六十副

錢十全門

牌面先見減  
十副下同

四十副

貫索全門

三十副

太極圖

七同拘張  
又冲七同

四十副

鴛鴦七同

兩路各  
冲七同

三十副

連環七同

本門賞極  
各冲七同

二十副

金掘藏

九上上桌冲出順  
風旗隔青不算

一百副

銀掘藏

二十上上桌冲出順風旗不  
必百子頂冲隔青亦不算

六十副

一戳六

六副

一戳七

另算一  
戳六

七副

印花

九十上上桌冲出  
百子成四門

三十副

以上冲成各色凡本分應得之賀項另算不

奪錦標

在所定副數之內四門色樣仍推班算盡

其例不一有一冲三奪一冲五奪者有賞三百六肩極九十俱五者數之多寡猶無關礙惟一家獨出標其名曰苦中苦說實不經果爾則竟云三賞家出若干副可也何勞更立錦標名目蓋取乎奪錦者以彼上錦張此亦錦張彼以三錦不開此以一錦奪之而冲出者適亦錦張猝然遇之隨成錦會乃弔中之



雜色也既成色樣理宜公賀卽重貶三賞之家倍之亦足以示辱三賞何罪而必罰之獨出耶舊譜云三賞之家倍之若一家獨出此語作何着落况苦中苦名色亦殊不雅馴今酌定成例一奪三賀包冲不奪以不露錦也錦成三家公賀賞家倍之椿冲另算賞家急捉故犯者獨賠已成色者不奪方爲公允

錦成三家公賀其家倍之實乃至當不易之理非笠亭孰能道之惟條內於錦字之義尙未透徹所謂錦者非指三賞亦非指奪錦家之賞肩百趣也蓋專指冲出之賞肩百趣而

言湊入三賞之家便成四門色樣今三賞家  
不能開冲而反爲別家賞肩百趂冲去故曰  
奪錦非但錦字有着卽奪字亦不落空矣是  
以九十非紅而冲出百子亦算百子上桌冲  
出九十同是五冲便不算奪錦矣何則九十  
非錦也而世人不深維其義遂有謂雙冲卽  
算奪者然則一貫上桌冲出二貫八九貫上  
桌冲出七貫獨非雙冲何以又不算錦耶故  
錦張所冲卽應通算如九八十上桌冲出百  
子卽算十奪九七貫上桌冲出八貫卽算五  
奪餘可類推包冲亦奪因向無定論故萬千  
同上冲出百子二十子千百同上冲出紅萬  
二十子賞趂同上冲出肩張肩趂同上冲出  
賞張賞肩同上冲出趂張有分算者有跟賞  
奪肩跟千奪百者臨牌每致紛爭今概以冲  
張爲錦十門五奪餘門三奪豈不簡明姑識  
此以俟  
有識

三賞已起賞家並不犯賠而他家有捉急及  
開十開三致成奪錦者他家獨賠上椿賠冲  
上開止賠奪錦若三  
賞未起者不在此例

### 冲例

賞冲肩二起三青一冲過肩副肩亦二冲過起副起  
亦三

肩冲賞三青張不冲既冲賞卽照賞冲之法

起冲賞三肩一副起三青一冲過賞肩亦三冲過副  
起次副亦二

萬千百二十子互冲俱五九十子二冲過百老九十

亦五百子九十互冲俱五九十不冲萬千萬百俱  
准包冲九十二不包

凡遇冲出緊張十子俱五冲如九十上桌冲過百子  
又冲萬千接冲八十俱算五冲九十七同上冲  
出百子止冲九十作五冲再冲八十則九十七十  
各算五冲萬千百上桌冲二十子算五冲接連冲  
出三十子亦算五冲惟二十子上桌冲三十子止  
算二冲

兄弟冲

八九貫冲七貫四一貫六九六貫冲八貫二冲七貫  
五再冲五貫四此順二逆三也又如九一貫冲八  
貫四九八一貫冲七貫五順則連逆則斷也一貫  
冲九貫接冲八貫俱三又冲七貫亦三此非逆冲  
因九八貫已冲過七貫卽作九貫與九八貫上桌  
者不同別門倣此

捲簾冲

二三貫冲二貫五一二貫冲三貫四越譜有之今存  
其式臨場宣明亦無不可

罰例

佛赤脚

每家五副發十之家倍之有賞者免無故滅  
去及貪圖倒捲而致佛赤者以無賞論捉二  
十子者亦免

介亭譜詭避查出仍算佛赤并賠公賀未免  
過苛蓋罪不重科百老有何大愆而必處以  
雙罰耶

田龍

一副

翻青

一副

翻紅

一副

錯洗

一副

錯分

一副

多分少分

一副

拍薄

一副

露滅

一副

彈底

四副

冒百

二副

斛弔

一副

罰籌貯公獻百者得獻百忌取照數罰出

散例

六十

五十二起

四十三起

三十四起

無制人張

以上聽散不聞應散不散除應得籌不准外



凡一應公賀椿閑冲趣百弔概賠

應得之籌并不推算亦近於苛仍算爲是後  
有餘論須查看

王譜闢上雜色樣賀例

鏡中人

一文二  
十同上

八副

借花獻佛

半枝五  
十同上

四副

夫婦團圓

空文二  
十同上

六副

美女參禪

十僧二  
十同上

十副

小叅禪

五十二  
十同上

十副

二佛談經

十僧五  
十同上

六副

天仙送子

九十二  
十同上

二十副

公領孫

一賞一極  
本門同上

三副

二張先上後有餘張亦算

弔譜集成卷二月次

發張賠例

故發十子

關賞闕十

盡手十子

故作賞下

頂色

關真闕十

告百

摘百

三門百子

闖千

倒立千紅

急捉提萬

五桌提萬

提盡萬千

提紅闖百

捉百捉千

不截色

開三

故造三門

藏直開三

藏直闢假

遇頭不提連

賞下

提賞

頂色

盡手

平譜集成卷二

退菴居士輯

發張賠例

故發十子

一不論榛閑故發十子致成公賀者賠并代椿賠冲  
趣獻百及公貯

凡三家中有一子成公賀及斷十後所上之  
張冲趣獻百俱發十之家獨賠其別門色樣  
及以前已活之張與發十無涉者不賠



正誤無故發十滿場俱賠籠統一語啟人無限爭端如因十子請下萬千致成千百色樣或椿百獻冲則因十成賀賠亦何辭若乙家發十甲家別門色樣椿家別路開冲與發十何與而責以滿場賠乎蓋滿場賠者謂十子所至之家凡因此而得冲賀者皆賠非謂滿場中毋論誰人不拘何牌皆責之賠也不可  
不辨

梅花杜譜一家發十閑家獻百雖有千萬不

捉若遇椿百手內可制二十子方捉此語大  
謬夫弔首重在椿是以逼椿斷椿雖賞弗惜  
並不顧及四門何椿百獻出反置不問重色  
而輕椿豈非倒置耶況縱回椿百焉知不成  
色樣若謂椿百自有發十之家認賠則又不  
可概論夫無故暗也關賞明也十家之色未  
然也椿家之百現在也豈可舍明而防暗寬  
現在而嚴未然耶總之遇十椿在下宜逼椿  
在上宜斷與別張同列關法如有縱漏各依

所犯科罰開百斷十則萬宜守千千須捉百  
蓋千之制百猶之孤賞打肩不必計及有無  
十子但捉百後可制尾而不留致十家成二  
十子色樣者賠大散花不曾全見又不得借  
制尾以留十要之弔之爲道止講現在一桌  
止管一桌二桌管不得第三桌如倘或萬一  
恐怕等語都用不着所謂賠不轉灣也

按捉百非打肩可比責其留十制尾於義殊  
有未協若云指大散花全見者而言細思又  
無此一種牌面此論  
必當闢之以杜爭端

關賞關十

一手內只有賞下須關十關賞以制四門悞出賞下致偷肩成色者賠

關賞原以防色若已無四門當真賞以出底仍關十子卽爲無故如有萬千兩張在手不妨竟關賞下蓋縱能偷肩不能上百也止有一張便須關十關賞千僧亦不得徑闖犯則賠椿閑紅萬色冲并百老公賀百子在手正不妨因公濟私假此以報百耳

盡手十子

一手內止餘萬千十子有色時須出盡再闕小十已  
無四門則先闕小十第七桌再闕萬千以防佛頭  
此條議論不一有云王從大千從小者有云  
干從大王從小者不顧色面但云從大從小  
所誤多矣今以一語定之曰有色從大無色  
從小與讓五讓四叅看方爲明晰

介譜舊譜王從小干從大之說似欠分明繁  
張時俱當從大蓋色樣以四門爲重佛頂爲

輕無色方許從小真張亦然錯者椿閑俱賠  
故作賞下

一用賞下假張逼椿復關賞而關十開三者賠

或謂此條有類轉灣似妨一桌管一桌之義  
不知十爲禁門三非應發今本可不致關十  
開三而以假張逼椿有意造作安得不賠

頂色

一大散花全見緊張許以十頂色非緊張及無色時  
仍者者以無故論

各譜旣云十不頂色又云大散花後十子卽  
爲熟門上椿仍賠豈非模稜兩端之語夫十  
不頂色止爲大散花未過而言若萬千百已  
見則一頂兩家窮焉得以十子而不頂乎但  
非緊張及故留者仍以無故發十論庶爲妥  
協故留不頂仍以應頂不頂論亦卽騎馬賠  
之一端

更有百宜頂色亦當詳論百子本當首滅旣  
已故留在手如有大立之家雖曰留千制百

但至緊張時焉知不減千以圖色此時若避  
投千之嫌而不用百一頂設上四門咎將奚  
歸然上椿及致成公賀者仍賠此亦故留百  
子之累

關真闢十

一桌面無色手內止一真張許先出十至第七桌方  
許出真以制佛頂誤者賠

留真以防佛頂是矣然至緊張時恰好真破  
四門色樣則又當先真後十不得拘泥



正誤舊譜不真不關一語不加體認遂有打  
肩後尾張非真必盡而別家信爲打肩報尾  
及至比牌時反留他張以防別趣致成本門  
色樣各持一說以自解試問如何定其是非  
夫不真不關其理顯然如別家打肩我有副  
張則關小張則否若自打肩尾張雖次極必  
關惟提運關法則須先賞次尾然後出十以  
關肩若兩張提盡留尾關十以無故發十論  
若賞肩之外既有本門一小張又有別門熟

張可發仍須賞肩並提以破爐弔然後再發  
別路熟張倘不爲別家捉去亦准開三發十  
關小制尾

告百

一無賞告百賠千僧二十子色樣

浮絲軒謹無賞告百逼落紅萬致成千僧二  
十子色樣者不論椿閑俱賠有賞及成紅萬  
色樣者不賠

有謂未經立桌與無賞同蓋因無桌之賞可

以弔起也然當告百之時彼固有賞可恃弔  
起難以逆料况立桌之賞遇有逼椿打椿本  
門后張亦可成色又將何以責備耶故止以  
有賞無賞爲斷不必更立得桌不得桌之條  
致啟爭端

介譜舊譜云報百之後逢肩不打以百家別  
有賞張可以制色也此說大謬無論告百在  
前縱肩在後雖無賞張罰科後犯而况百家  
之賞又有弔起及逼椿打椿不可全恃者耶

豈得與立萬提連並論顯蹈孤縱賞肩之咎

### 抽百

一百子擠手三門之外並無別張可發恰好以百子穿破千僧色樣則寧發百子不發三門上樁不賠若非恰好寧發三門不發十子錯者賠

樁已大立不在抽百之例

### 三門百子

一兩門已正或樁家先已出牌不許告百告者賠一切公賀色樣並賠樁冲

此亦指斷十捉百後起者而言若因告百請  
落紅萬致成別家千僧色樣亦賠

闖千

一無故擅出千僧致成一應公賀者賠并代椿賠冲  
趣獻百及公貯

千僧爲留守之員不拘第幾張闖俱爲野千  
與無故發十同椿閑俱賠必至八桌方許拖  
千也早發者斷千家色樣固賠卽別家因發  
千而成色者亦賠如請落紅萬或千僧圓去

致起百子二十子之類并代椿賠冲若他家  
別門色樣與闖干無涉者不賠

浮緣軒譜一家闖干一家留二十子致獻百  
老出干之家獨賭其意不過以干僧旣出又  
無紅萬百老原屬官張也然而其謬已甚干  
爲野干而十獨非野十乎等過也而犯有後  
先正當歸重後犯皆因看譜不明遂以訛傳  
訛查馬氏原譜云彼出干僧此留二十成一  
應公賀者出干之家獨賠蓋言二十子家成

公賀應出千之家賠非言此留二十致成別  
家公賀亦責千僧代賠也毫釐千里之謬甚  
矣哉

倒立千紅

一萬千在手故將千僧立桌致成椿閑一應公賀倒  
立獨賠

梅譜有萬千在手故將千僧立桌致別家斷  
百逼出三門或上子上椿立千之家賠

介譜誤提千僧人將疑我有百遇脾卽斷雖

急捉在人而錯立由我致上椿開一應公賀  
及椿冲皆于家獨賠笠亭曰梅云逼出三門  
十子而後賠介云不分生熟但上椿及公賀  
者皆賠是梅寬而介嚴不知牌有後先緩急  
之不同報百有例立萬有例今以立萬之牌  
變爲報百之局皆倒立千僧實階之厲也律  
以急捉之愆情法允當故此條宜遵介譜

愚謂梅介二譜皆非確論紅千在手不提紅  
萬而提千僧雖後先倒置究無大過若云立  
萬之牌變成報百之局指爲厲階設有第一  
張或因公得桌後妄發野千不爲紅萬捉去



仍發別門豈非本係無百之牌而變爲報百之局乎然其犯賠止於百子二十公賀而不賠別門色樣亦不賠別門椿冲今以本有紅萬誤提千僧之小愆創出轉灣之論責成滿場俱賠尙得謂情法之賠耶故二說皆不可遵或曰然則倒立千僧不犯賠道乎非也香爐六七桌弔實由倒立被提不能正本所致若無後犯賠亦奚辭若椿家倒立雖爐弔亦不賠

### 急提提萬

一紅萬旣已立柱隨復提出仍以急提論賠椿開一應正雜公賀并椿冲及公貯開家上千百二十子開冲不爲椿家代賠

急提原爲立萬急而卽提所立惟何特借立萬之名以文急提之過耳故當賠卽轉手後提亦賠惟七桌提萬方免如係因公得桌並非急立者第六桌提雖上椿百二十不賠

### 五桌提萬

一無論明掛暗立第五桌提出制上百老二十子雜色及椿獻拖二十子趺雖無冲亦賠

〔舊譜〕五桌提萬獨賠散花未解何意夫椿獻二十子趺皆公貨也不立尙賠何故旣立而

提反不賠乎殊失弔義

提盡萬千

一萬千盡皆提出成千百一應公賀者賠并代椿賠  
百獻趣沖及公貯

不論椿開百老二十子色樣及開沖槩賠若  
係急提椿開別賞開沖亦賠開家則免又如  
順風在手提出千百留萬制尾倘被請下雖  
成二十子色樣不賠萬千兩張許立一桌則  
三張立二亦正與別賞提連制尾相等順風

原不許提之說實狡詞耳

愚謂前說亦應分得。桌與不得桌如未經得  
桌者闕千百而留萬猶之萬千在手提萬立  
千也。若既已立桌又闕千百與萬千在手既  
立之後復提紅萬希圖開冲者何異倘被請  
落紅萬致成二十子  
色樣仍應着賠爲是

觀笠亭所論愈知倒立不可責其  
概賠公賀也何前後自相矛盾耶

正誤提盡千王賠盡滿場係指滿場中一應  
十子所成公賀俱責於彼也至若別門雜色  
冲趣真風馬牛不相及矣此條可與無故發  
十滿場參看

提紅闖百

一萬百在手或提或闖致成千僧二十子色樣椿開  
俱賠并賠椿家千後帶上之賞肩冲趣

三門寧闖百爲無紅萬而言若有萬仍須開  
三如先提紅萬則闖百開二俱賠上開賠公  
賀上椿并賠冲趣

捉百提千

一紅千在手遇有闖百之家紅萬捉斷後仍須留千  
以防二十若因手有閑十將千僧提盡以致滅去

別門故留小十致成所滅之門雙飛倒捲及樁家  
上趲開冲者俱賠

不截色

一手內有賞及頂張緊張時不截不頂致成四門者  
賠

介譜如有一紅上桌尤當一截一頂笠亭曰  
不獨此也手內有賞有真有頂張不必計其  
四桌五桌總以截住之後制得四門色樣爲  
斷誤者皆賠

開三

一無故開三致上椿成色樣冲活百上趣者賠并賠  
閑家公賀與急捉條同

〔如譜開三上閑家公賀或賠或否須臨場講  
明殊不知三門之所以賠爲公賀耳色樣與  
椿冲等一公輸旣賠椿冲焉得不賠閑家色  
樣更無俟臨場始定也〕

故造三門

一頭門已正又將本賞作二門更發三門謂之故造

與無故開三同賠

賞肩在手提賞圖冲不得引關真之例又如  
打肩或提連後不得不留張制尾而制尾之  
張當先假而藏真開三則不賠若將真張發  
盡留假制尾而關十開三亦以故造論

弔中惟此一桌諸譜皆未詳盡臨場每致紛  
爭蓋因既立不真不關之條又有應正不正  
之說罰在兩岐故也今定以連家止有本門  
一小張餘皆三門十子止許單提一賞關真  
關小若連家除本門一小張之外另有熟門  
假張可發則提連正本順發熟明假張倘百  
爲別家捉去准其留尾制趣雖開三發十不  
賠因恐關盡本門小張別家疑爲提連報尾



輪應比張時在手亦不准留也打肩亦然如無熟門假張並准其卽開三門卽發十子

近有用賞下假張逼椿回來關賞開三亦以故造論同局紛爭徃徃不息要知不儘賞逼自犯漏椿之條若復以開三科罪則弔無兩賠之理此與十子門故造之條迴不相侔本條下言之詳矣

故用賞下假張逼椿回來關賞開三正與故造二字之義相合烏得不賠笠亭之說失之寬矣至謂弔無兩賠試問手有賞張而不逼椿故用速張急捉不爲他家捉去豈得以旣犯漏椿不賠急捉乎弔有兩賠顯而易明笠亭同逼於弔理者而亦作是語甚矣弔之爲

弔也難

言哉

### 藏真開三

一桌面無色手內有真有三許出三門七桌方出真  
張誤者賠

藏真開三關真關十深得制樁制色之義但  
須看無色二字若有色則又須先真多真一  
桌少色一副如有兩三真張則關一已足若  
儘真俱關以無故開三發十論

此條須看緊張寬張若至緊張時頂一真張  
恰可破色則先關真張後發三門十子倘牌

面尚可成色輒將真張發盡既不能制死四門反起佛頂公賀仍應責賠方爲周密

藏真鬪假

一將大張滅去或藏下故鬪假張賠活椿開冲并開家捉獻捉極

如貪倒提而藏賞貪雙飛起後而滅去真張者皆是上椿則活百開冲皆賠上開止賠公賀不賠冲然至第七桌方賠若寬張得則大小任鬪不能勒之必鬪大張也

遇頭不提連

一賞肩連張在手遇頭不提致成四門八全爐弔者  
賠

已經立桌亦當提一連三大張便當提兩以  
破爐弔雖被請下不賠趂色

### 賞下

一孤賞不關故發賞下致成本肩色樣者賠

兩賞准發賞下雖被人偷肩又將一賞請下  
成四門者不賠惟紅萬兩賞寧闔十子不闔  
賞下以紅萬不算賞也萬百一賞則又當闔

賞下以能制死干色也此皆爲過頭之萬賞  
言若經掛立則又寧闔賞下與借干以賞闔  
法有別角者於此等區處最須着意

### 提賞

一無故提賞或落青滅賞致成四門肩色者賠

既有提賞之家雖遇本門四路別家在手亦  
不准留不得引從後之例提連亦然惟提連  
之後又見連家制尾之張已爲他家請落仍  
應官留四路錯者賠

## 頂色

一紅張已見有真可頂而不頂致成四門者賠

馬譜熟門寬張頂生門緊張頂兩語立說實  
未妥帖若熟門寬張要頂則第一桌落紅第  
二桌轉手卽宜頂色有此鬪法耶今斷之曰  
色樣緊張頂毋論生熟也至緊張時熟門固  
頂生門亦頂順風全見卽十子亦頂不頂者  
俱賠若寬張時生門固不頂熟門不頂亦不  
賠始爲簡當惟將賞提出故用三門頂者仍

以無故開三論

生門十子緊張頂色亦須看故留不故留若係故留者又有騎馬兩賠之例不可不察

正誤舊譜開家雖無截色掛賞之例然有可截可掛而不截掛者賠如因逼椿以截色借打椿以掛賞之類

盡手

一手內盡係賞下須先提賞後鬪賞下誤者賠四門公賀

梅譜須先鬪賞下至緊張方可直賞若先提

賞則同場盡不打肩豈非官上長肩色樣乎  
介譜色樣真一張少一副何苦必欲其讓五  
寧先提賞可無大患笠亭曰讓五讓四之論  
每多叅差以兩說皆屬有理但色樣五張四  
張皆不可知先軟張而後提賞四張色樣未  
必不爲鬪殺然究屬行險僥倖之事設遇五  
張不幾多色一副先受軟張之累耶欲畫一  
定例則當以讓四爲準惟賠法當分差等牌  
勢至此須知色樣在所必上因軟張而成五



張之色則此一副應責之賠其四張一副先  
提固上後提亦上與關軟張無涉須免其賠  
方爲平允

笠亭欲遵介譜讓四之說不得不調停兩可  
以杜爭端愚謂不如竟遵梅譜之議五之爲  
弊也